

海國圖志

第十冊

海國圖志目錄

外大西洋墨利加洲即彌利堅洲

卷六十三

彌利堅國西路十一部

阿那麻馬部一作亞刺羅麻

雷西阿那部一作斯安

地尼栖部一作典尼

彌梭里部以上七部連下

以上二十七部落分東西二路

威斯滾申部

威斯頓底特力部

以上四地皆因底阿土人附彌利堅西路

卷六十四

墨西哥國一作墨

北墨利加洲西南四國

以上四處皆原本無今據職方外紀補入

北墨利加各國兼攝地義羅斯大呂宋英吉利

德沙國

以上諸國皆北墨利加地

卷六十五上

南墨利加洲內各國

金加西臘國厄辰彌多及委內瑞辣附

伯西爾國

彌斯西北部一作美土細比

因地阿那部

阿千薩斯部

威斯頓部

阿里顏部

北墨利加洲西方三國

北墨利加洲西北土蠻

危地馬拉國

智加國

字露國破利威國附

巴拉大河圖巴拉乘及烏拉乘附

破利威

烏拉乘及

烏拉乘附

烏拉乘附

烏拉乘附

烏拉乘附

烏拉乘附

烏拉乘附

烏拉乘附

卷六十五下

智利國

各國兼攝地

南方土蠻

海中諸島

海西諸島

南極未開新地附錄

以上諸國皆南墨利加地

海國圖志卷之六十三

外西大洋北墨利加

歐羅巴人原撰
候官林則徐譯
邵陽魏源重輯

彌利堅國西路十一部內有土番四部

阿那麻馬部東界若治阿南界佛羅里達海西界彌斯柯北比界地尼西土饒沃豐物產境內多山不甚高有單麥米河長三百里陸有鐵車路可達鄰部運載絡繹舊與若治阿彌斯比同區至千八百二十年嘉慶始分為三部至千八百二十年嘉慶二歸附於彌利堅國領小部落二十有六以都土加魯沙為首區幅員五萬二千方里戶三十萬九千五百二十七口俗奉加特力教波羅特士頓教設總領并總會公署一所土產金鐵棉花甘蔗洋藍石板原本

美理哥國志畧曰亞喇罷麻部舊地半屬噠治亞半屬費羅里大迨道光元年然後合為一部東界噠治亞北界典尼西西界美士細比南界費羅里大與美是哥海方域較之噠治亞又略小焉北有押罷拉既俺山高約百餘大亦有數河大者名亞喇罷麻河皆流注磨庇理灣而出海境內自南距北五度故南方夏暑北則稍有霜雪亦不甚寒故禽獸毋庸巢穴土產稻穀果實皆三月放花四五月成熟境內炎熱土人至夏常入山避暑所產松皆弱小稻穀多虛少實其外南近美是哥海並比近山者盡屬膏腴地曠人希獸蹄鳥迹交於野外農牧時防猛獸棉花為盛次則甘蔗稻穀煙葉果實皆販至磨庇理灣而出海分中部落三十六居民三十萬零八千九百九十七口別有土蠻數百官員則首領副領各一惟議處官多則五十少則二十五員會議以十月杪為期會城建於磨庇理灣口因以為名教會二百餘大書院惟二所補今

彌斯柯北比部東界阿那麻馬南界雷栖阿那海西界阿干薩士雷栖阿那比界地尼西土饒林木茂惟少大山彌斯柯北河最長在境內即有六百里陸地亦有鐵車路以通鄰部舊屬佛蘭西之雷栖阿那地千七百一十六年康熙五曾建有那支土部落礮臺於千七百六十二年乾隆二為英國所奪越二十年又為大呂宋所奪與若治阿阿那麻馬同區嗣若佐治阿那麻馬自歸彌利堅國於是本部落亦遂全售與彌利堅國聽其設官治理領小部落二十有五以熱循為首區幅員四萬六千方里戶十三萬六千六百二十一口俗奉

加特力教波羅特士頓教設立總領諸官及書館經費如前例舊產煙葉洋藍最盛近入棉花為最

美理哥國志畧曰美士細比部始自康熙五十四年法蘭西人初至寄居有西班牙人亦欲其地故二國相

爭自此以為公地後英吉利又與法蘭西相爭迨乾隆二十七年英吉利得之嘉慶二年始歸美理哥二十

二年列為一部東界亞刺罷麻北界與尼西西界士美細比河南抵累斯安比之中國直隸省畧小北有押

罷拉既掩山至斯而止境北之土皆峻故北河之水有斜下注美士細比大河者有東下注亞刺罷麻者惟

境內之河南注墨息哥海地氣寒暑與亞刺罷麻不異惟西無隄障時受美士細比河之溢漲地極膏腴遂

勝亞刺罷麻尤宜棉花貿易亦惟棉花最盛分中部落二十六居民十三萬六千八百零六口會城名查基

遜城外附河名珠江人寡貿易少惟西南方之那吉士城商賈雲集以其近美士細比河火船洋船皆可販

運之故

雷柄阿那部東界彌斯栖比西界墨西哥國南界海北界阿干薩士地卑濕少大山肥磽各半列河之源長

二千里經數部落始至本境而注之海其不通河路者各有鐵路以運貨始佛蘭西之人墾彌斯栖比之

西隅原屬雷柄阿那之地於千七百六十三年乾隆二十八年均為大呂宋人所奪千八百零五年嘉慶

取回越三年即需與彌利堅國領小部落十有九以紐哈連為首區幅員五萬五千方里戶三萬四千七百

三十口設總領并總會公署一所大書館甚多歲支銀萬五千員俗奉加特力教波羅特士頓教產棉花甘

蔗煙葉洋藍稻穀牛馬

美理哥國志畧曰康熙十一年法蘭西人至累斯安地寄居十九年又隨有志者乾隆二十七年以其地讓

於西班牙王嘉慶四年西班牙王返其地七年美理哥國總領議出銀千五百萬員與法蘭西買之後十六

年立為一部東界美士細比北界倚阿干薩士地西界墨息哥德合師國南界墨息哥海西界一作墨內

延表與中國直隸省大同小異東南地平西北峯小不峻多大河南有數海島地氣暑熱間有煙瘴美士細

比河水常漲溢漫及會城即南方亦常患潦棉花甘蔗之盛甲於二十六部一農夫可種甘蔗十五畝得糖

五千斤棉花價賤有風櫃可以去棉子而取棉花每櫃能當數百人之工貿易則賴美士細比河凡上游各

部洋船皆雲集於斯分中部落三十一居民二十一萬五千五百七十五口會城在東南方離河口三百里

名新河涼土

補

因第阿那部東界阿希阿南界地尼栖西界依里內士北界彌治顏士膏沃山巔亦堪播種茂樹木有注麻時河長三百七十里陸有鐵車路可通各部始佛蘭西人於千七百十年康熙三十九年始開其地千七百六十三年乾隆二十八年為英國所奪嗣隨各部背英歸彌利堅國原與依里內士同區千八百九年嘉慶十四年始分為二領小部落三十有四以因地阿那波里士為首區幅員三萬六千五百方里戶三十四萬三千三十口俗奉加特力教波羅特士頓教立正副總領及西業三年一易里勃里先特底甫一年一易判事之人毋論上等次等俱七年一易均由民人公舉書館經費由公田撥出產洋參煤鹽牛馬粟苧蔴審臘烟原本

依里內士部東界因底阿那南界彌梭里地尼栖西界彌梭里北界威士袋申地勢平坦茂林木宜牲畜彌斯栖比河長五百五十里始佛蘭西人於千七百年康熙三十九年先墾附近河岸地建築加河機阿加士機部落至千七百六十三年乾隆二十八年為英人奪據與因底阿那同區千八百九年嘉慶十四年始分為二千八百一十八年嘉慶二十三年亦附于彌利堅國領小部落二十有八以灣達里阿為首區幅員五萬五千方里戶二十七萬二千四百二十口俗奉加特力教波羅特士頓教設立正副總領與各部一例產鹽煤鉛鐵銅蔴蔴煙葉棉花石板麥稻穀其內地出產未能悉知原本有目無志今取美里本地尼西部哥國志中典尼西部補之

美理哥國志略曰典尼西之始僅有駕羅連北部與費治彌亞等人至後生齒日繁嘉慶元年遂立為一部東界駕羅連北境北界費治彌亞建大基二地西界美士細比河南界美士細比亞喇罷麻磋治亞三地東南長表四面皆斜如浙江省東有峻嶺自北而南橫壓數百里與押罷拉既俺山相連河流相通地皆膏腴不寒不暑農圃之物除橙及無花果外餘皆茂盛工作則有鐵器棉夏布疋等其餘各物皆備部內分為二路又中部六十二居民六十八萬四千八百二十二口會城建于中央名那實城官有首領議處參議等教會二三百書院三所今補

阿干薩斯部東界彌斯栖比第尼栖南界雷西阿那西界因底阿北界彌梭里境內西隅有阿薩蔴薩尼大山未悉里數彌斯西北河經境內四百里其地原屬彌梭里千八百一十九年嘉慶二十四年始分為達厘多里至千八百三十六年道光六年即歸附于彌利堅國領小部落二十有四以力特爾洛為首區幅員五萬四千五百方里戶五萬八千一百三十口俗奉波羅特士頓教加特力教設立總領及總會公議之西業皆四年一易里勃里先特底甫二年一易審判之人由總領公署選派上等者八年一易次等四年一易其公舉之制

衆口明言毋須暗書保薦此異於各部者禁賭局賭具最嚴奴僕有罪視白人一例治罪無所畸重

彌梭里部東界依里內士南界阿干薩士西界威斯頓北界威斯哀申境少大山林木叢茂彌梭里河經境

內五百五十里通舟楫產白鉛砒礬黑鉛鐵煤鹽石板牛皮棉花牲畜粟麥稻穀千七百年^{康熙三十九年}佛蘭西

人始至其地先建仙羅依士僊尼威委兩部落土番有二種一曰格臘包士即佛蘭西人之後裔一曰牙模

士即佛蘭西人與因底阿土人婚配而生者為黑白不分之人作事靈巧特鮮專心原與阿干薩士同地至

千八百一十九年^{嘉慶二十四年}始分部落設職官三載即附于彌利堅國領小部落二十有三以渣法甸為首區

幅員六萬六千方里戶二十一萬口俗奉加特教波維特士頓教設立正副總領二年一易總會公署之西

西業四年一易里勃里先特底甫二年一易至判事之人即由總領等選派久暫視乎其人有書館教文學

寬卹奴僕有殘害其肢體性命者罪之^{原本○案此志共列二十七部而美理哥志略則止二}

彌利堅國邊地土番四部

美理哥國志略曰新國邊地有一類人言談舉止皆出類拔萃不知其始自何來惟見其行藏有如亞細亞之

土蠻方歐羅巴人始到之時土人約有十數萬今則三四十萬矣計其地則有數十社體膚赤而眼髮黑光其

髮長而麤其身高而力其心明且信議事則知敬老臨戰有進無退惟遇有仇恨輒若不共天或受人欺負愠

坐不言審思良久起即赴湯蹈火務必雪之倘被敵擒則束手受戮斷無屈膝求免此土蠻之性情也惟無書

籍不知文字亦不識耕織炊汲茹毛飲血及啖菓不菜瓜而已平日惟業漁獵或歌跳舞賭博病無方藥惟求叱

法之人餘事則皆付之婦人也炎夏腰圍獸皮冬寒則全衣皮毛又有面塗五色頭插烏翎意示人以威也雖

有房舍棲身不過蓬簾無金銀銅錢諸幣但以樹皮珠石相交易惟立總理領目以議事至道光元年有新國

人至其地定章程導以士農工商之事風俗漸開方英吉利據十三部時聞唆土蠻騷擾內地及與新國交兵

英吉利欲募土蠻役為前驅以攻新國奈語言不通土蠻不為其所用而新國西邊居人多與土蠻相習者于

是購募土蠻授以兵器教以隊伍別立一軍以助兵鋒土蠻踴躍用命盡力屢敗英兵故新國之勝英吉利土

蠻亦不為無助焉地在新國之西機落大山之東墨西哥國之北英吉利屬地之南^{原無今補}

彌利堅國因底阿土番四部^{原下}

威斯哀申達多里部在彌治顏之西東界彌治顏湖西界威斯頓北界英國屬地南北距六百里東西距五

百里多陵阜少大山土饒易種比隅多湖其稔邦碧湖即彌斯西北河所發源也彌梭里河在西隅邊界曲折環繞經境內千三百里此外尚有支汊小渠可通舟楫本因底阿土番所居千八百三十年道光始有彌治顏之白人遷往有居彌斯西北河東者以威斯滾申為要區遂創建部落礮臺尚未能官治理也東有厄領比村那注厘阿村南有彌爾彎機村各建礮臺民業工作至勃拉伊里都珍村多佛蘭西貿易之人約五六百若彌斯西北河之西亦稱沃壤產鉛鐵煤炭尤豐故彌利堅人於千八百三十二年道光十即糾同土番奪得其地于濱河之都模格創建部落居民千二百人少南之麥領頓村居民六百入築礮臺以保障居西北者穩底林阿士種類約四千五百人由此少東則彌那靡尼種類約四千人居西南者沙士賀鐵士兩種約六千五百人依阿威士種類約千二百人此外尚有因底阿之人散處各方種類不一在北隅與英國所屬交界之邊米那村彌利堅設有皮革公司派人貿易築有礮臺保衛綜計威斯滾申幅員共有二十九萬方里彌利堅人在此者約計三萬餘口所開地不過十分之一

威斯頓達多里部即因底阿土人所居東界阿于薩士彌梭里南界墨西果西界落機大山及墨西果北界威斯頓底特力幅員二十萬方里地土肥瘠不等肥者產五穀蔬菜牧羊取毛為織羽毛之用瘠者荒磽不毛並有冬令薪燒不然惟有一種冬草以資炊火落機大山在境內者日占士峯高約千餘丈其北隅尚有最高之峯未及測量阿于薩士河源自落機大山而至阿于薩士部落長千五百里其水深廣為烈河撻夥河加那底噉河那夥河蘭宜注捷河阿些治河于薩士河所不及此地乃彌利堅國給與因底阿土人獵牧之所立書館起廟宇給工作器具冀漸化導第種類亦多有土著者有自外遠來者今將武士衙門於千八百三十六年道光十春所查明種類戶口方里列後

土番十四種

作島斯種類萬五千口居地二萬三千五百方里在阿于薩士之西以耕種為業產棉花粟米牲畜亦頗富足有出資數千金作商賈販鹽工作之事漸知文字自立頭目三人理事四年一易又設立法之岡塞爾三十名一年一易皆由民人自舉嚴禁販酒入境有彌利堅國所設廟宇六所教師十三名并于列河口岸築礮臺一所近習聲教廬舍整

格力士種類三千六百名居地二萬五千方里在作島士之北土肥易耕種其田皆以木圍之產粟米麥

稻蔬菜屋雖不華而寬大自立總岡色爾理事並設有審判官行法官彌利堅亦於此立廟宇教師

支羅機士種類六千名居地方二萬二千方里在格力士之東北人多耕種產鹽及牲畜服色器皿屋宇略同自立頭目三人理事立法之人分為兩所每年會議一次並設審判與行法之官各二其阿干薩士河岸有彌利堅國礮臺並廟宇教師二十人刊印書板

阿些治土種類五千五百名居地方萬一千八百二十方里在彌梭里之西原居之土著半已歸化建房屋業耕牧未入化者隨處棲止周圍插竹障以牛皮即為居室高樸而貧苦

灰包士種類四百五十名居地方百有五十方里在彌梭里之西其人比阿些治士略漸聲教且能誦讀惜無教師訓導

沙注尼士種類千二百五十名居地方二千五百方里在彌梭里之西為因底阿種類之中最漸教化者室廬耕牧有書籍文字彌利堅國曾造廟宇設教師刊書板

千薩士種類又名高搔士千四百七十名居地方四千二百方里在沙注尼士之北士著窮苦與阿些治士種類無異所居以籬為牆上覆木板而泥其外

地那注士種類八百二十六名居地方三千四百五十方里在千薩士之北俗與沙注尼士同有彌利堅國所設廟宇教師

機加布士種類五百八十八名居地方千二百方里在地那種類之北有頭目獨創教門以為能知未來之事其教中規矩以為如犯惡事欲赦罪過能不飲濃酒不理毛髮每一禮拜聚集誦經四次即可悔解附從入教者不過四百人有彌利堅國廟宇教師並礮臺一所

包尼士種類約萬名與般加士種類八百名共居地方二萬五千方里皆舊土著阿麻哈種類千四百名原土著居地方若干未悉其詳

呵多士種類彌梭里士種類共千六百名居地方二千五百方里亦原居土著西尼加士種類二百五十口沙注尼士種類二百口共居地方二百方里

委士種類二百二十口比晏機搔士種類六百十口共居地方二百五十方里比呵里阿士種類加士機阿士種類共百有三十二名同居地方百五十方里

阿島士種類二百名居地方五百六十二方里波達注彌士種類四百四十一名居地方若干未詳以上十四種俱已入化此外種類散處無定如阿力加那士詩晏尼士沒拉弗俄羅斯穩特厘士阿里巴哈士等種皆在化外捕獵為業榛樸無知故白人少與交易千八百三十五年道光十五年彌利堅國遣兵征討始申約束不相侵犯

威斯頓特底力部東界威斯達申南界威斯達多里西界落機大山北界英吉利屬地幅員約有三十萬方里地勢崎嶇人跡罕至故不得其詳千八百五十年嘉慶秋有船戶里威士由彌梭里河溯流而上得其來源於落機大山石壁峭立高有百丈懸瀑飛流河源湍激舟行甚險濱河時有崩圯山麓樹木叢茂居於上段者勇丹士敏尼達里士墨臘弗各種類居於下段者即底頓士然頓士西阿士各種類千八百三十五年道光十五年與彌利堅拒戰者此區人居多土產山羊鹿各種皮毛

阿里顏達多里部又曰戈攬彌阿達多里東界落機大山南界墨西哥國西界比西非益海北界英國屬地

西隅近海山嶺雖多而東隅落機山最大其幅員里數未詳產木料皮毛有木曰擺樹高約二三十丈圍員約有四五丈幹直無節至抄始分枝葉遠望若傘然并有一種其脂如糖秋收其子作餅甚美惜土人多伐為薪境內河有阿里顏河源自落機大山長六百里威士河長千里在戈攬彌阿河口之土蠻不業農工非漁即獵鑿木為舟可載四五十人所獵獸皮運至戈攬彌阿河口與歐羅巴人易壞礮臺鍋白珠藍珠煙葉鐵刀等物土俗甫生男女即以物束頭俾其頂鼻挺直并飾脂膩為美觀間有佩熊爪銅鐲藍珠白珠者多以妻女出售交易一就任人調姻不以為意居東隅者伊司律士衣尼沙土注爾拉士梭加爾士金那士左攀尼士等種風俗言語略同甫生子以石枕頭經年始除去之故其腦骨扁平惟東南士著與戈攬彌阿河口各種不同察其土俗音語似是由附近彌斯西北河遷至也戈攬彌阿河之北岸即彎戈注島袤廣百有五十里林木葱蘢且多沙石海濤冲激其聲如雷居於斯者食則海魚衣則獸革此外尚有小島每島即有一種類各有頭目先有彌里士曾至其地見其頭目之屋約可容八百人有飲食者有坐臥者儀軀粗莽以人骨為飾有庫貯珍寶其最大頭目所轄不過萬有三千人容貌原不惡劣惟以赤土和黑沙塗面令人望而誠惡食則惟魚甚至以人為食故市上貿易多有人之手足以上原本

海國圖志卷之六十四

外大西洋北墨利加洲

歐羅巴人原撰
侯官林則徐譯
邵陽魏源重輯

北墨利加洲內墨是可國一作墨西哥今補

職方外紀曰北墨利加國士多富饒鳥獸魚鼈極多畜類更繁富家畜羊嘗至五六萬頭又有屠牛萬餘僅取

其皮革餘悉棄去不用百年前無馬今得西國馬種野中生馬甚衆又最良有鷄六於鷄羽毛華彩特甚求最佳吻上有鼻可伸縮如象縮之僅寸餘伸之可五寸許諸國未通時地少五穀今亦漸饒新田斗種可收十石又產良藥甚多其南總名新以西把尼亞內有大國曰墨是可屬國三十境內有兩大湖甘鹹各一俱不通海鹹者水恒消長若海潮土人取以熬鹽其甘者中多鱗介之屬湖四面皆環以山山多積雪人煙輻輳集于山下舊都城容三十萬家大率富饒安樂每用兵與他國相爭鄰國即助兵十餘萬其守都城亦恒用三十萬人但圍於封域聞人言他方有大國土大君長輒笑而不信今所建都城周四十八里不在地面直從大湖中創起堅木為椿密植湖中上加板以承城郭宮室其堅木名則獨鹿能入水千年不朽城內街衢宮室又皆宏敞精絕其國王寶藏極多所重金銀鳥羽鳥羽有奇彩者用以供神工人或輯鳥羽為畫光彩生動初國內不知文字今已能讀書肆中有鬻書者矣俗務農工人尚尊貴面目美秀彼自言有四絕一馬二屋三街衢四相貌也舊事魔神殺人以祭或遭災亂則以魔嫌人祭少故每年輒如多至殺人二萬其魔像多手多頭極其險怪祭法以綠石為山真人背於上持石刀剖取人心心擲魔面人肢體則分食之所殺人皆取于鄰國故頻年戰鬪不休今掌教士人感以天主愛人之心亦知事魔之謬不復祭魔食人矣其中有一大山山谷野人最勇猛一可當百善走如飛馬不能及又善射人發一矢彼發三矢矣百發百中亦喜啖人肉鑿人腦骨以為飾今亦漸習於善最喜得衣如商客與衣一襲則一歲盡力為之防守迨北有墨古亞剛不過千里地極豐饒人強力多壽生一種嘉穀一歲可二熟牛羊駱駝糖蜜絲布之類尤多更北有古理亞加納地苦貧人皆露臥以漁獵為生有寡斯大人性良善亦以漁為業其地有山出二泉稠膩如脂膏一紅一墨色

萬國地里全圖纂曰默西可國北連兼攝邦國西南連巴拿馬微地東接默西海隅西連大洋海北極出自八

度至四十二度偏西自七十度至一百十七度表英國方二百八十四萬四千方里與花旗國交界之地乃平坦無木過處牧場居民以牛羊為生所有高山大概六十丈亦有出火之峰屢次地震亦有新山忽出舊山隕落江河不多沿海港口有四其天氣不一若自南至北其冷熱立變民不勤勞是以山內財帛不出運售他國者獨有烏木紅木呀蘭米與香料而已其山出水銀銅鉛亦有金其最多者乃銀通計普天下所出之銀默西國居民三分之二銀礦廠共計三千座所有每年銀價值二千五百萬員中國之洋錢大半由此國運出是班牙未到其國時居民頗向化建廟築壇效物之像而畫字其國有土君律例規矩與中國微似今尚有大城之古蹟是班牙軍侵其國而占據之自乾隆以來每年出銀千六百萬員其通商不多每年六百萬員入出之貨物價乃其大概嘉慶年間佛蘭西軍與是班牙國爭此地居民不肯悅服新主亦不願服其故主擅自專制是班牙軍攻之衆民效死鏖戰而驅其暴可惜國家未定迭興迭廢又與佛蘭西國結仇而卒求平其國制度與花旗相似其國家之公費入不敷出拖欠甚重其居民分三類一曰是班牙之後裔實乃地主其中亦有巨富素封之家一曰土人區鼻大骨以耕田度生貧而好奢好飲酒一曰雜類即白黑人等嫁娶所生居民共計八百萬丁皆奉加特力教憚勞好逸英佛列國商賈鑿山開礦因使費浩繁其益少損重此地分十五部其國都居民一十二萬丁內有高屋巨宇殿堂肅靜山川秀麗柳楊相映但因地勢低累次漲溢亞加補羅可乃西地大海口昔時每年有呂宋大船過海貿易此時生意衰安熱里邑大殿堂以金銀粧飾居民九萬敬十字架乃東方之馬頭建於沙坦船泊遺厄其通商甚盛瓜他拉撒拉近附銀山之城三十七年所出之銀共萬六千五萬員居民七萬丁○東半地稱曰加里縛尼實屬沙硠惟西北最豐盛出各項水果

其東北方連花旗國係平坦土所有花旗豪民遠遊冒險遷到此邦勤力開墾而立其國稱曰特汲默西可民不悅之再三交鋒未分勝負也○麥西國南形勢危地馬拉邦昔歸麥西哥之版圖今亦自立土產主者牙蘭米烏紅等木金銀藥材牛皮靛餅每年運出貨價三百萬員山峻入雲時有地震其居民與默西不異共計百九十萬人口○其海濱英人入山伐木務工者四千餘人○所有巴那馬微地窄狹故此智士設計開河連東西洋大海而造通中國之路但因山硠硬未知可否若果能如願其利無窮

地里備考曰美詩哥國一作墨西哥科美里加州北區之西南北極出地十六度起至四十度止經線自西八十九度起至一百二十六度止東至花旗德沙二國暨美詩哥海灣西枕大海南接爪的馬拉國暨大海北連花

旗國長約一萬里寬約三百里地面積方約一百一十八萬四千七百八十里煙戶約一京二兆餘口地勢中高邊下由東南而西北岡嶺層疊峯巒參天亘國中數千里如人之脊其中四大峯尤峻總名曰煙山即美理哥國之落機大山也貫南北二州之地隨地異名山之兩面平原甚廣河長者四湖大者六其地北境曠漫有草無木民以游牧為生南廣東磽瘠而西膏腴百卉繁生果實皆備土產五金礬煤絲麻蠟蜜水銀繇花煙葉甘蔗胡椒牙蘭米以及木材香藥而大利則在於銀攻礦之廠三千餘所各國行用番餅出於墨西哥者三分之二地氣互異海濱酷熱難堪內地溫和其地彌高其熱彌少若高至四百丈則有如芳春景象人安物阜倘或再高氣亦遞寒至於冰雪凝積則數日間四時景象俱駢集焉不設君位國人各立官長司理地方朝內有正副首領權理國政所奉之教乃耶穌公教也初北州之地自美理哥外皆野番雜處無部落惟墨西哥早建為國有城邑有壇廟有王有官有物形而作字有律例有廢城極大云是千餘年前古蹟不知何代何名也明正德中大呂宋國徧據南北州諸國地為藩屬亦侵據墨西哥國且以此國為各國之綱領及嘉慶十五年國人苦苛政倡變抗拒十載始盡逐大呂宋官兵自立國君道光三年國人復去王位立官司理國政如美理哥國之例通國分十九部四郡曰美詩哥曰給勒達羅曰瓜叔阿多曰彌刷干曰沙黎斯哥曰薩加德駕曰索諾拉曰濟華曰都郎額曰卓合回拉曰新梁曰達毛黎曰桑盧意斯波多塞曰委立古盧斯曰布委巴刺曰華沙加曰濟阿巴曰達巴斯哥曰干加敦其府曰加里佛尼曰新美詩哥曰達拉斯加刺曰哥黎麻國都建於德斯古各湖西平原中屋宇宏峻風景清雅街衢闊直學醫各院畢備為本州富麗之一其通商衝繁之地有五

大埠

地球圖說麥西可國東南西三面都界大海東北界花旗國百姓約有七百萬之數都城內民二十萬人分三類一太呂宋後裔二土人面帶棕色鼻扁額高耕田為業三雜類即黑白二種交相嫁娶而生地勢沿海低下中有高山積雪不消內有火山不時地震北方曠野牛羊是牧馬非家畜任人拘執道光二十七年與花旗國決戰近日盟好矣是國昔屬大呂宋嘉慶十七年民心不服羣拒呂宋而自立為國所宗天主教國內黑人悉以捕魚為生天氣最冷五穀難出故獨墾海濱之土而內地荒蕪○五曰新本土威在海邊袤延方圓七萬一千方里其江千五百里皆深可行船遍地肥腴民不耕田惟入林斷木春水浮送出港賣行價銀即飲酒費盡而歸大城邑皆在江邊通商以木料為最每年英民到者六千丁還有間處給寓數十萬丁其會城曰約翰乃

最大之馬頭與英國通商○六曰散約翰島乃老兵所移之處出麥穀可補鄰地之缺○七曰新着大島袤一千三百里延九百里居民七萬二千兵乃魚鼈之數夏時漁舟蟻集兼種荷蘭薯蔬菜不植五穀產魚最豐居民富裕佛蘭西之氓猖獗屢叛英官嘗派兵討之

案墨西哥有煙山自米利堅西界來稱落機大山因火峰最多故也自危地馬拉以南至南亞默利加之極南皆曰安達斯大山長約一萬餘里

外國史畧曰墨西哥國北極出地自十五度至三十三度廣袤方圓七萬六千里長六千里闊自四百六十里及二千八百里南及東洋海連危亞地馬拉地北界花旗東及海港西及大東洋海明武宗正德二年是班亞人至此尚未知其地之廣大八年復遣精銳兵數百深入震以火器降服其國居民頗向化有金銀飾物亦通文字原係日本國難民留此之苗裔今難詳考是班牙王貪其山多金銀設官管理亦派師船防範他國每年掘金銀礦約一千三百萬員大半運入是班亞其居民屢缺用道光元年居民見花旗國自主開創盡力效尤驅除是班亞人連年拒戰道光四年遂自立國合十五部為一地雖是班亞屢國復據因舟師不能直人而止但麥西哥人不明政令廢立自由二十餘載臣民反覆無常掘礦雖旺賊盜橫行白日劫掠雖效花旗國之自強而無花旗國之法度焉其國濱少港船無灣泊其小船入處淺窄線港曲折大礙通商然遇有敵獲來侵亦幸有此阻礙中地高於海六百大其山峰高一千七百丈北地高坦其土磽确多煙瘴間有沃壤則歲收百倍內有四大湖惟一湖水鹹有火山時時地震有銀山每年掘出約二千三百萬員金二百萬圓英吉利日耳曼民皆爭掘之又出藥料顏料所產牙蘭米歲值百五十萬兩今亦消減俗好騎馬執天主教惟僧是聽居民亦務農織布而其他物必由外國運入道光四年運出之貨一千二百萬圓運入者四百四十萬圓今漸加增銀局所鑄印之銀錢每年約一千七百萬圓此時減少三百六十餘萬圓各商所出本銀約七百七十萬兩至今未償故公班衙多散○麥國之都城居民十四萬在廣谷近湖街屋煌耀甲于通州東邊海港曰他巴哥古時與亞西亞俄羅斯通商今所收之稅每年約四十萬圓由中國所織之絲緞每年有數船到貴里他羅在大谷間居民三萬五千丁附近此地有古蹟亦昔時廣色殿屋甚宏不知何國何時所創故墨西哥國自古號為富強文物之邦其開創在花旗國之前又布益拉居民九萬口其禮拜堂最壯麗乃是班牙國人所建其西方港口乃全地之大市為西國雲集之埠附近砲臺乃是班亞所築費銀二千八百萬兩然地有煙瘴居人易病國

地分十九部東海邊之加利弗尼居民甚罕其半地及馬加坦半地在東邊各有土酋每八萬人擇一賢士會議掌政令麥西哥選有領以攝其權公帑所收者九百三十七萬五千圓所費者一千八百萬圓多由他國借銀欠項往往不還軍士共計三萬二千丁武費九百六十萬員水師費一百三十萬圓

案北墨利加形如飛魚西北有高山曰落機自西北而東南東偏有山曰押罷拉既俺有大河曰密士失必北洲國之黃河回環萬餘里其極北為冰壘次南休倫湖以北為英吉利荒地中曰米利堅三十六部膏腴地也其西南德沙國德沙之西曰麥西哥又南一線彎環曰危地馬拉國英吉利地西北為俄羅斯地麥西哥之西北米利堅之西曰戈攬彌亞河其北為阿里顏達多里地其西有鸞戈注島其東曰威斯頓底特力又南曰威斯頓達多里皆因底阿土番也新地者湖之東也農地湖之西北也花地花旗國也

北墨利加洲西南四國

原無今補

職方外紀曰北墨加利之西南有花地富饒人好戰不林不尚文事男女皆裸體僅以木葉或獸皮蔽前後間飾以金銀纓絡人皆牧鹿若牧羊然亦飲其乳有新拂郎察往時西土拂郎察人所通故有今名地曠野亦多險陝稍生五穀土瘠民貧亦嗜人肉又有拔革老本魚名也因海中產此魚甚多商販往他國恒數千艘故以魚名其地土瘠人愚地純沙不生五穀土人造魚腊時取魚頭數萬密布沙中每頭種穀二三粒後魚腐地肥穀生暢茂其收穫倍於常土又有農地多崇山茂林屢出異獸人強力果敢搏獸取皮為裘亦以為屋其緣飾以金銀為環鉗項穿耳近海有大河闊五百里窮四千里不得其源如中國黃河之屬

按花地農地近皆開墾即編利堅各部明時未有也

北墨利加西方三國

原無今補

職方外紀曰北墨利加西為既未蠟為新亞比俺為加里伏爾尼亞地勢相連國俗畧同男婦皆衣羽毛及虎豹熊羆等裘間以金銀飾之其地多大山一最高者高六七十里廣八百里長三四千里山下終歲極熱山半則溫而山巔極冷頻年多雪盛時深六七尺雪消後一望平濤數百里山出泉極大匯為大江數處皆廣數百里樹木茂盛參天蔽日松實徑數寸子大干常數倍松木腐爛者蜂輒就之作房窠瑩白味美採蜜者顛次水邊候蜂來隨之而去獲蜜甚多獨少鹽得之如至寶相傳話之不忍食獅象虎豹等獸動輒成羣皮亦甚賤雖有大者重十五六斤地多雷電樹木多被震壞有小鳥如雀於枯樹啄小孔千數每孔輒藏一票為冬月之儲

北墨利加洲西北諸蠻方

原無今補

職方外紀曰北星利加地愈北人愈野無城郭君長文字數家成一聚落四周以木柵為城其俗好飲酒日以報仇攻殺為事即平居無事亦以鬪為戲而以牛羊相賭凡壯男出戰則一家老弱婦女咸持齋以祈勝戰勝則家人迎賀斷敵人頭以築牆若欲再戰臨行其老人輒指牆上骸體以相勸勉其女人則砍其指骨連為身首之飾人肉則三分之一以祭所事魔神以一賞戰功以一分給持齋助禱者若獲大仇則削其骨長二寸許鑿頭作孔以骨裁入露寸許於外用表其功頭有樹三骨者人咸敬畏之戰之時家中所有寶物皆攜而去誓不反顧以期必勝也其尚勇好殺如此蓋由地本富饒人家星列又無君長官府以理法斷其曲直故小小爭競便相攻殺也此地人多力女人亦然每邊徒凡什物器皿糧糗子女共作一駝負之而行上下峻山如履平地坐則以右足為席男女皆以飾髮為首飾甚多亦帶螺貝等物男女皆垂耳環若傷觸其耳及環則為大辱必反報之所居屋卑隘門戶低甚以備敵也昔年極信邪魔持齋極虔齋時絕不言語一日僅食菽一握飲水一杯而已凡將與人攻戰者或將漁獵耕獲者或將宴樂喜飲者或忽遇仇家者輒持齋各有日數耕者祀兔與鹿求不傷稼獵者祭大鹿角以求多獲鹿角大者長五六尺徑五六寸也有大鷲鳥西國所謂鳥王者匿藏其乾腊一具數百年矣亦以為神獵者祭之巫覡甚多凡祈雨晴則于衆石中尋取一石彷彿似物形者即以爲神而祭之一日不驗即棄去別求一石偶值晴雨輒歸功焉歲獲新穀亦必先以供巫其矯誣如此近歐羅巴行教土人至彼勸令敬事天主戒勿相殺勿食人遂翕然一變又強毅有恒心既改之後永不犯也俗既富足又好施予人家每作熟食置於門首往來者任意取之

即滿利堅達地各土蠻